

HEZKUNTZA. Lanbide Heziketaren eta Unibertsitatearen legeez mintzatu da Donostian

Oliverik dio auzitegieta joko dutela arau berriak indarrean jartzen badira

Hezkuntza sistema hobetu duten eskuduntzei uko egiteko prest ez daudela azaldu du

Ainara Argoitia | DONOSTIA

Espainiako Gobernuak aurkeztutako Unibertsitateen Erreformarako Lege proposamen berria eta Lanbide Heziketaren Legea indarrean jartzen badira, Eusko Jaurlaritzak auzitegieta joko duela ohartarazi zuen atzo Inaxio Oliveri Hezkuntza sailburuak. Oliveriren hitzetan, «ez gaude prest hezkuntza sistema nabarmen hobetzea ahalbidetu duten gure eskuduntzei uko egiteko».

Unibertsitateen Erreformarako aurreproiektua eta Lanbide Heziketaren Legea «kezkagarritzat» jo zituen atzo Inaxio Oliveri Jaurlaritzako Hezkuntza sailburuak. Lege proposamen berri horiek biek izaera «zentralizatzailea eta erkidegoen aurkakoa» dutela salatu zuen Oliverik. Horren harira, gaineratu zuen Espainiako Gobernuak «homogeneizazio nahia besterik ez» duela buruan, eta Jaurlaritzak ez duela inoiz halakorik onartuko.

«Erkidegooi dagozkigun eskuduntzak zapaltzen ari da Madrilgo Hezkuntza Ministerioa; erabakitze ahalmenak kendu nahi dizkigute, guk egin dezakegun politika ahultzeko asmoz», salatu zuen Hezkuntza sailburuak.

Jaurlaritza atzera egiteko prest ez dagoela azaldu zuen atzo Oliverik, «ez eskuduntzei dagokienez, ezta Euskal Autonomia Erkidegoari eskaintzen diogun hezkuntza sistemaren



JUAN HERRERO-EFE
Inaxio Oliveri EAEko Hezkuntza sailburua, martxoan egindako agerraldi batean.

kalitateari dagokionez ere». Horren harira, «gutxieneko legeak» edo eta «oinarri-oinarritzko legeak» egitea eskatu zion Jaurlaritzako Hezkuntza sailburuak Madrilgo Gobernuari; «gure eskuduntzak errespetatu eta gure Lanbide Heziketaren eta Unibertsitateen sistemetara egokitzea ahalbi-

detuko duten legeak» egitea, alegia.

Autonomia suntsitu nahia

Hezkuntza sistema arautzea Espainiako Gobernuari dago kiola onartu zuen Oliverik. Hezkuntza sailburuak, hala ere, «bidegabekotzat» jo zuen Espainiako Gobernuak hezkun-

INAXIO OLIVERI

Jaurlaritzako Hezkuntza sailburua

«Transferitu gabe utzi zaizkigun eskuduntzik gabe autonomia sistema suntsitu nahiak ematen digu min handiena egun»

«Irakaslegaien kontrataziorako probak zentralizatzearekin 1954ko legealdira jauzi egingo dugu»

tza sistemak «goitik behera zehaztu» eta erkidegoek haiek finantziatu behar izateari.

Lanbide Heziketaren Lege berria LOGSErekiko «atzera-pauso nabarmena» dela esan zuen Oliverik, eta era berean sistema uniformizatzaile baten zantza hartzen diola gaineratu zuen. Unibertsitateen Erreformarako Legeak irakaslegai guztientzako probak Madrilén zentralizatzen dituela eta, Oliverik esan zuenez, «1954ko legealdira jauzi egingo dugu, orduan ere Madrilén erabakitzen ziren irakasle plaza guztiak».

Egunetik egunera erkidegoei jaramon gutxiago egiten zaiela adierazi zuen Oliverik. «Transferitu gabe utzi zaizkigun eskuduntzik barik autonomia sistema suntsitu nahiak egiten digu min egun», zehaztu zuen.

EUSKARA

Donostiako euskararen plana aurrerapausotzat jo dute EHk eta EA-EAJk

Erredakzioa | DONOSTIA


Donostiako Udaren Euskararen Patronatuak onartu berri duen Euskararen Plan Orokorra aurrerapausotzat jo dute EHk eta EA-EAJk. Plana aurrera atera zen PSE-EE eta EHren aldeko botoekin, eta PP eta EA-EAJren abstentzioarekin.

EHk oroitarazi du ez dela bere plana, «baina euskararen berreskurapean aurrerapausoa delakoan gaude, eta euskarak gure hirian horrelako ekimen bat behar duelakoan». EHk ontzat jo du bere taldeak aurkeztutako zuzenketa ugari onartuak izatea. Hala ere, gaitzetsi du euskarazko herri telebista sortzeko egindako zuzenketa atzera bota izana. EA eta EAJren jarrrera salatu du EHk, alderdiaren interesak «euskararen interesen gainetik» jarri dituelakoan.

EA-EAJko zinegotzi Jon Ruizek onartu du aurrerapausoa dela plana, baina ez nahikoa. «Ez ditu jartzen behar diren bitartekoak bilatzen dituen helburuak lortzeko». Halaber, deitoratu du bere taldeak aurkeztu zuzenketak atzera bota izana.

Hala ere, Ruizek onartu du planak badituela alde baikorrak ere, eta udalbatzak aztertzen duenerako, kontsentsu handiagoa lortzearen alde agertu zen.

Euskadi Euskaditik gobernatzeara gura duzu?



Euskadiri baietza.

EMAN BOTOA
EUSKO ABERTZALEAK
euskal alkartasuna
EAJ PNV